



-Wo kpö =bhlözë

'Sëédhe =ne -a =beɛn -sü -gen tɔɔ -më -ɛ?

'Wuntaɔ bɔ 'sëédhe =ne -më
-kë 'ö =beɛn ü -de -wo 'gü i ?

-Më -kë 'ö 'wo- =beɛn- =Daanwo pö wo
'sloo 'gü i ?

-Më -kë 'ö yaa =beɛn- 'kwi -wo -nu,
=glɛɛ'- -wo -nu, 'Lüma -wo -nu -an gbe
'gü i ?

-Wo =vava -nu 'ö 'kwa -an 'tɔ pö
bhë, -wo -an -dɔ 'kpongtaadhe
-todhösü 'gü, -an -bha -kë =bhlözë -sü
bhë

-a -zɔn 'kpongtaame 'kpekpe wö 'dhiö
-sü 'ka.

--Yö -dhe -ma -kun 'pö kö 'kwa-
-zɔn =ne kwa 'kpɔ -wo bhë 'ö =Daanwo
'ka bhë, -yö 'bhee-, 'yö- -bha kö -a -bha
-kë =bhlözë -sü bhë 'kwa- -zɔn me -nu
dhë =ne -kɔ 'ö -wo me 'wo to 'kwa -an
-bha 'wun ma -a 'ka bhë -a 'dhö.

-Wo -nu 'ö -Zlan -ya -da 'kongtaa
bhë, -a 'bhaa gbe 'yaa =bhlözë -yaan zië
ö 'bha -ta. Pë 'yi- -dhe ka -gɔ 'ö tɔɔ kö
me 'ö -dhö -yö ö -de -wo 'sü -së =ne -kɔ
'ö -wo me 'wo to 'wo- 'ka -a 'dhö. -A
-wun 'gü -yö -dhe -ma -kun kö ü -de
-wo bhë 'ü- =daan'-.

-A -wun 'gü, yi -bha me -nu -wun
'gbeezë, 'wuntaɔ bɔ 'sëédhe =ne yi-
-bho gɔu 'dhö kö pë 'ö- -wun to kwa
-gɔ bhë, -ya -ta pa ; 'iin 'zü kö 'wun
-nu 'wo kö -na kwa -bha =daanwo pö
'pian -ta oo, Kativɔa -sɛ 'gü oo, 'iin
'kpongtaadhe 'kpekpe 'gü kö =kun 'kwa
dho -ya kwa tii -bha -a -wun 'gü.

=Ya 'gomü, -yö -së kö 'ü- kë =ne
gɔɔn- 'wo- 'tɔ kpɔ Samali mi këwun
-sëézë 'ka bhë -a 'dhö. Gɔɔn- 'ö bhë -yö
-kpën me do -bha zianhö kö
këpëyaame -nu =waa- -gi, -yö waannu

-sü 'ka -kpinng 'dhiö. 'Yö- sü 'yö dhoë
'wo- 'dhe -kë 'yö -kë 'pönöpönö. =Ya kë
-be Samali mi =ne yaa nu me 'wo- -gi
bhë -a -dhë -be -më 'ö dhoë- kë -o?
Gɔɔn- 'ö bhë, -yö -dhö -ga zian -ta
'kpaan 'waawa.

-A -gen tɔɔ 'ö =ya kë ne ü 'ka ü -de
-wo =bhlö -ya -a -bha, 'töng 'bhaa -dhö
dɔ 'ö =dhong 'ö go 'sɛ -ta.

=Ya 'go mu, me 'ü ü -dewo =beɛn- -dhe
dɔ, ü -mɔa 'ü dɔ ü -yayɔɔ -gban -gɔ.
-Bhö kë =ne Samali mi 'dhö, 'ü nu -a
-dhë.

=Ya kë =ne 'wun 'bhaa -yö ü -gɔ kö
'üen- =bleɛ'- yi -dhë, yi -bha dresü 'ö
=ne :

08 B.P 857 Abidjan 08



Kwaa -bha =daanwopö 'segü -wun

Kamë =klang' -wun

'Ö -sü 'wun -bha
-da kwa -bha 'sɛ 'gü -sü
-bha bhe, kwa -bha Kamë
=klang' yaa =gbaannu 'Maa
'pian -ta . -A -kë 'dhö -sü
bhë, -yö -bɔ kwa dhegludhe
-mɛ 'wo- -dhe 'Zɛ
Emanuelö -a -ta.

-A -dhe yaa =glɔɔ
=kun, =Zaɔbhoglööbɔ 'su 'ö

'kwa go -a 'gü =ne 'ö
'kwi -nu -wa -dhe avlilö
bhë, -yö -yakoë'- do
-dhe waa- Kamë =klang'
-gɔme -nu 'wo Logoadhö
plöö waa- ö pö-
-zütodhe -nu -bha -an
'ka, -a -dhekpäyi 'slado
(6) 'ka Logoadhe gia-
-bha. -An -bha -yakoë'-

kë -gen tɔɔ : kö yuö -bha -dho
'dhiö -kɔ 'ö -an -gɔ pö- -nu
'gü bhë, kö -wa -wun =bleɛ'-
'iin 'zü kö -wo 'wun -gban
=klang' -bha -wa =bleɛ'-.

Giagia 'ka, yuö -yö
-an -kota =va kö -waan kë
'kɛɛ -a me 'ö =waa- kë 'saadhö
bhë -a -taɔ -së -yö -dhö 'ö me

=faan' 'më -wun 'ka. Yi- pö
-na ka -dhë =ne Kamë
=klang' 'dhi =ya 'po 'saadhö
'Loguadhö, 'Sangiën,
Biangiën, 'iin Maadhe gia-
-bha. -Ka ka 'tɔ -nu
-ya kö 'ka =klang' kë.

L'orthographe DAN Blowo

Voici ce que nous pouvons
prendre pour savoir lire et écrire en
langue Dan.

Les consonnes et les voyelles que
vous ne voyez pas ici sont les mêmes
qu'en français.

Attention:

1. c, h, j, qu et x n'existent pas en
dan.

2. r ne se trouve jamais au début
d'un mot.

Voici le reste de l'alphabet :

Lettres	Exemple	Traduction
Aa	'kaa	gale
An	'gan	tirer
Aan	=saan'	cadeau
aɔ	kaɔ	perdrix
aɔn	daɔn	araignée
bh	-bho	cabris
dh	dhe	mère
ë	dë	père

ɛ	'pɛ	déchirer
ɛɛ	=dɛɛ	aujourd'hui
	=sɛɛ'	natte
ɛn	-gen	pied
ɛɛn	=gbeɛn	long
'ë	'pë	credit
aɔ	'kaɔ	daba
ëɛn	=klëɛn	entourer
ɛa	'kpɛa	sec
ɛan	gean	scorpion
gw	-gwö	caillou
in	'bin	fleur, image
iin	'iin	ou
ee	'gbee-	fort
kw	=kwaa-	main gauche
ng¹	gbeng	nuit
oo	'too	sauce
ɔ	-dhɔ	amour
ɔɔ	=wɔɔ-	singe
ɔn	'yɔn	huile

ɔɔn	=Sɔɔn	comportement
ö	pö	dire
öö	=töö'	panier
u	'su	lune
un	bun	corps
uun	'yuun	asticot
ü	'gü	intérieur
üü	=glüü'-	frotter
üö	'güö	brûler
öü	=bhöü'-	tarir

-Wo 'dho -kɔ (Les tons)

- 1 'lū ton Haut arbre
- 2 dë moyen père
- 3 =zɛ bas termite
- 4 -tɔ Tombant Poule
- 5 lan- moyen + tombant Soleil
- 6 'Zlaa- haut-tombant → Petit frère
- 7 =glaa- Bas-tombant → Palmier
- 8 =laa' Bas-moyen → panthère
- 9 =See'- Bas - moyen-tombant : orange

Wun 'zü =mæ'- 'sëë dhe 'ö 'kwi -nu -wa dhe diküso nê

'Wun 'zü =mæ' - 'sëë dhe bhë, yö =nê, 'ö kwa -wo kpökpö -nu 'wo-dhë 'wo- -gên pö kwa dhë, -a 'wun 'dho 'gblo waa -a =blê' -gên, 'iin -a =blê' -kô -së 'wo- -zôn kwa -dhë.

'kwi 'Puu -nu 'wo -Kë 'wun 'zü =mæ' -mê -nu 'ka, 'wo go =lusi -sê 'gü, 'ö -kwa -bha 'kwi dhebô Wunsë waa- 'kwi gôn 'wo- -dhe Beato 'yö yö -gbia -mê -nu -bha yuö 'dhoë- kwê bhë, wo =nê 'wo yö -an -dhë 'dhiö, 'wo nu kwa

-wo 'zü =mæ' - =dhia kö -waan -a =bêen' -yaan kë 'sëë dhe -be do 'ka.

Mê 'wo 'dhö bhë an 'tô -nu 'wo =nê: -Gômê kpîi - Vidrinö Valangten 'yö ö -zo -kë 'maawo 'wo- gwêtaawo -kë bhë -a 'piö, Ana Hêmanö 'yö ö -zo -kë =Daanwo 'wo- blowo -kë -a 'piö.

-A yuö bhë -a zü -yö -dô -kwê 'wo -dhe 2001 -a 'gü 'ö -kwê =ya ziö do 'ö 'wo nu yuö bhë -a 'dhiö 'wo 'su -yaaga -kë .

Kwa -bha 'nê -nu =plê 'wo -an -dhe kese Mònyan waa- Zafe 'Dhögbo waa 'kwi -nu 'wo yuö bhë -a kë =dhia.

-Kwê mê 'ö =nê -a -bha yuö zü -yö -dô -kwê -dëü 'su -blêzë 'wo- -dhe -kwêyalo bhë -a -dhêkpaoyi 10 'ka.

'Kö =daanwopömê kwa -bha 'wunsë =nê 'ö bhë.

Yi -bha 'nimlo 'yö =nê :

BP 857 Abidjan 08

**Kwa -bha 'Kotivô -sê 'gü -wun****=Klang' 'kô 'kpîi-, inivêsite =klang' -wun**

Kwa -bha =klang 'kô 'kpîi- 'wo- -dhe Inivêsite bhë, -an bha =klang' -kë -a 'gü 'kô -wun -bha -kë 'gbee- -sü oo, 'iin -an -bha pë -daan -a 'gü 'kô waa- ö 'sëë dhe -nu -wun -kë 'gbee- -sü bhë -a -wun 'gü, =klang' -nu waa wo -gômê -nu -wa -yö -së kö wo giagia 'wo 'wun kë 'wun bhë -a 'gü.

-Dhe 'ö =klang' 'kô 'kpîi- 'gü 'Kokodi Bia bhë, 'ö 'wun bhë 'wo- züdo -a -bha, -a -zôn -sü 'ka 'dhiösü 'sê 'ka -mê -nu -dhë =nê pë 'yö -an -ma kö -waan kë

=klang' 'kô -nu -wun 'gü yö =nê 'ö bhë, -a 'kpokpo =klang' 'kô 'kpîi- 'wo- inivêsite -kë bhë, do -an -gban -gô -sü kö =klang' -nu -waan 'dho 'dhiö.

-A -wun 'gü, =klang do, 'ö sü 'wëü =kênng' do (100) -bha 'ö dhoë dhuö 'yö dho -a nu, pë mê 'ö do -a =tei 'ka -a 'ka. -Gômê -nu -de 'pö, -an -bha tã 'ö sü 'wëü -vuudo (1000) -bha 'ö dhoë dhuö 'wo dho -a bho. -A 'wëü bho -sü bhë -a zü -yö -dô -Zakayabhô 'su 'ö 'kwi -nu -wa -dhe 'Maasü bhë -a -dhêkpaoyi 23 'ka.

'Ö sü yi bhë -a -bha, 'wëü 'ö waa- bho, -a -da 'koë -sü 'ö tã mliôn yaaga, waa -vuu =kênng' do ö -kô =plê 3 600 000 .

-Ya -bha kö 'wun kë -kô =suu' -bhë, kö 'kwa kwa -kô -yaa -gô -an =faan' 'mê -sü 'ka, bhîi =klang' -nu -bha -dhaa -sü 'kô -dhë -sü, -dô =klang' -gômê -gô 'yêng -sü, -zoo =vava kë -sü -nu, 'klüë -dhe kë -sü -nu, mê zë -sü -nu, pë 'gü =siö' -sü -nu 'iin -gômê -nu =bhlê -siö -nu 'ö 'kwa -kë -a 'töng 'ka zlöö =nê =yaa kë -së.

=Ya 'go mü, yi- pö -na ka -dhë 'zü =nê kwa -bha 'nê -nu -bha =klang' 'kô 'kpîi- bhë, -a mê 'ö 'kwipö =va 'wo- -dhe =Bôake bhë -a 'gü bhë, -wo 'dhoë- -a 'dhi po. -A -wun 'gü Minitrê 'wo- -dhe Solo Giömö 'ö -kë 'wuntao bô -mê -nu 'töüdhö 'wo kwa -gô 'segü -an -gômê 'kpîi- 'ka bhë, -yö 'wëü- mliôn 'slado (6) =gbaokë kö -waan -a -yuö kë kö 'nê -nu -waan =klang' züdo mü. -A yuö bhë =waa- züdo 'saadhö.

Mê =dhö -kë -a -ta -pë

-A -kwê kpö 'bhle =ya ziö, 'ö 'dhiö -sü kwa -bha 'sê 'ka -mê -nu -wa -zian =mæ kö 'slê kë -mê -nu -waan wo -zo 'ta 'wun -nu 'gü =dhö -kë -a -ta pë -wun 'pa =taa, kö mê ü -bhawun =ya yö ü -bha mê -bha kö 'üën- -a =dhöakë -dhe 'oo -dhe 'ö- -bha -a -bha 'töng 'ö -dhi ü -dhë -a 'ka kö ka -nu 'kaan- 'dödo.

-Piö =döngga 'kô =löö -dhe =suu' -bhë -a 'kô =vava -yaaga 'wo kwa -gô

'Kotivô -sê 'gü zö. -A -blêzë 'ö tã 'Kotivô Telekômö, 'waa yöë pian 'waa dhoë -dhe gbe 'gü. -A -peedë 'wo to bhë -an =dëngga 'bhaa gbe 'yaa- -bha. -Wo -môa -wo dhoë -dhe 'töüdhö 'ö mê -zokun -a -bha, -wa -da wo 'yuö- 'gü -wo yöë pian. -A do tã Teleselö 'wo- do 'bhaa -dhe Olangzë. -wo -môa -wo wo -bha =dhöakë -a -ta -dhe 'saadhö -a 'gü. 'Slê kë -kô mê =nê -ya -kë 'ö mê =dhöakë

'kô bhë 'wo- 'kô 'nê -nu do 'kwi pö -nu -dhe 'saadhö -a 'gü, 'ö 'wo =dhöakë mü 'wëü 'göople 'iin 'zü 'wëü- 'göyisië 'ka minitö do 'piö. -Kôlokota =suu' -nê =wa yuö nu kwa -bha 'nê -nu =plêzë -dhë, 'ö tã, 'nê 'bhaa -nu -wo wo -de -bha -piö =döngga 'kô 'nê -nu -dô =dhöakë -dhe 'ka, 'ö mê 'ö- =kaa' 'yaa -an -gô kö -waan wo -bha do, 'wo dho 'wo yuö -kë -dhe -nu bhë -a 'gü, kö -a mê 'bhaa -nu 'wo

'lüyanmê 'ka, -wo mê -nu -bha 'gbakö do -na.

Dhegluzë -nu, yi ka =faan' 'mê -na, 'wun bhë -a 'ka, kö 'ka 'nê -nu =faan' 'mê 'wëü- =mæ' -kô =suu' -nê -a -wun 'ka, 'iin ka -de 'pö, -dhe -nu bhë 'ka 'dho -a -bha 'ka =dhöakë mü ka -bha mê -nu 'paan bho -sü -nu 'ka 'wun 'ö ka -ta -a -wun 'ka.

'Se 'gla -wun waa - Me =slō -pē -wun**-Niē 'se 'piō -sü =ya kē =Gēngzē**

Kēwun yaa -bha 'se bho -sü -wun 'gü ε, pē -nu 'wo -kē kwa -bha 'wēü- -yō -a 'gü -pē 'bhaa -nu 'ka kwa -gō pō- -nu 'gü =ne : « **'següpe -nu 'wo -kē ne 'dra -nu, -tōn 'piō -dhe 'bhaa -nu 'wo -kē =ne -zuē 'piō -dhe -nu 'dhō -Naataa kadhō 'iin daantou -dhe -nu, 'yi -zuō -dhe -nu 'ö- 'bhaa 'dhō 'Maadhō bhē, an -ga -sü 'dhō, -kē =kōa' -pē -nu 'wo -kē =ne =glöö -gō 'yan -sü -nu, me 'lū 'yan -sü -nu, -an 'dhō, »** 'ö =ya kē 'kwi 'puu -nu 'iin me 'bhaa nu -wo go 'mē =gbεεgbεεn 'wo

nu -an -ga =dhia, pē -nu 'wo bhē, -an 'plē 'gü =ya =siō'.

'Kwipō me 'wo- -dhe 'Glan Basamō bhē, pē -nu 'kwa -an =dhong =ne, -a 'bhaa -nu -wo 'mē 'ö 'dhōgō 'yēdhe 'saadhō 'ka, me -nu -wo dho -a -ga =dhia 'iin wo 'tēpa =dhia, bhii 'ö tō 'tēpadhe -sē -mü, 'ö- me 'bhaa -nu -wo dho kwēadhu -pē -nu 'bhaa -nu 'dhō =dhia. Pō- bhē, -a -ta -ga -sü -ya -makun 'ö tō -yō -wō 'yoo 'dhiō, 'ö 'wo 'yoo -ta -ga -sē 'ka giagiawo. 'Kεε, kēwunyaa =ya kwa -bha 'se bho bhē,

-dhe -nu 'wo 'dhō 'ö- 'bhaa -nu 'dhō bhē -dho -a -bha -sü =ya kē =gēngzē, 'kεε kō -dhe -nu 'wo bhē -a -ga -sü -nu =ne -wo 'wēü- nu kwa -dhe 'pō pō- -nu 'gü, 'yō- -kē 'ö me -nu -wo bho wo 'ko 'piō -sē 'ka, 'ö 'wo =troo' 'iin bho sü =plēzē -kē wo 'ko =bhaa.

Kwa -bha -zota -a 'gü -wun do 'ö -dhō 'ö kwa -bha =bheawo 'ka 'ö tō kō 'se -yō =dhiō 'zodhō kō 'se -maakēme -nu -waan wo -bha yuō -nu züdo kō -dhe -nu 'ö =wa kē =gēngzē bhē -waan -maakē -sē 'ka.

'kpongtaadhe -wun**'Wungbee- -kē mēa -sü waa -ya -de 'flēgüdhe =mē -sü**

'Wun 'gbee- -kē mēa -sü waa -ya -de 'flēgüdhe =mē -sü 'wo tō dhegluzē =plē 'ö me =pea' -yō -dhi -a 'ka =dεε. Me =pea' -dhi -a 'ka -gen tō wo =ne 'ö =wa 'kpongtaadhe bho. =Mlenken -se oo, metii 'se oo, 'kwi 'puu -se oo, 'wun 'yaa kpengdhō waa-

'gbeedhe -da me -ta -sü =waa- kē 'wun 'gbee- -kē mēa -sü waa -glugōn 'koē -sü wa 'se bho. -Yō kē -na 'dhō kō 'se -yuōkē -sü -yō 'to -na zlöō. 'Tōng 'kwa dōa =dεε, 'kpongtaame -wo wo -zota -na -kō 'wo dhō dhegluzē =plē 'wo -kē 'wungbee -kē mēa -sü waa -ya deflēgüdhe =mē -sü

'ka bhē, -an -ma pē 'gü =siō' -sü =gbaannu -a 'ka -a -wun 'gü. Bhii -ya deflēgüdhe =mē -sü 'dhiō 'to -dhe yō kun tō 'wun yaa 'gbegbe -kē me 'ka -sü, 'kεε 'yō tō zian =mē -sü kō -waan wo -bha 'se -yuō kē -dho 'ko -dhē do -sü waa =zuōga -kē do -sü 'gü.

-Ya -de 'flē- 'gü -sü 'ö 'wun kpengdhō 'yaa- 'gü bhē, -yō 'wun -kaankoē -sü 'ka. Kwa -bha -dho 'ko =bhaa -sü -nu 'gü. -A -wun 'gü, me dodo 'saadhō -dhe -sü -mü kō pē 'ö dō -a =tei' 'ka, 'ko -nu =bhlē -ya -sü waa -de kuēnnu -sü 'gü, -ya pēga ta.

**'Wun 'ö -gban 'yi -bha -kē =bhlēzē -sü -bha 'kpongtaa**

'Yi -bha -kē bhlē -zē -sü bhē, 'kpontaame 'kpekpe -wa -dhekpāyi do -ya -deta -sü =bhlēkpōdhe kē 'gōdō ö ga yaaga -naa (13) -kē -Zakayabho 'su 'wo- -dhe 'kwiwo 'gü Maasō bhē -a -dhekpāyi 'gōple ö ga =plē (22) 'ka. Bhii 'yi 'ö tō me -bha -kē -dhō -sü -gō.

Kwa -bha 'Kōtivōa -se 'gü zō, kwa -bha 'yi -nu waa blii -nu -an -wun -yō -a -bha Minitrē -ya -pō : Kwa -bha 'se =ne -a =löō, 'yi 'pōē -glu 'gōdō ö ga do 'wo =gbaannu -sü 'ka. -An -da 'koē -sü -bha -da =gluu' -sü 'ö tō metrē -vuu mlia 'gōslaple ö ga 'slaple (77). 'Yō- pō

'zü -a me -nu 'wo yō plaan 'ö 'kwa yuō -nu -kē -a 'ka, 'ö 'kwa- 'gü =siō- -a 'daawo -sü -nu 'ka 'kpaan 'ö tō -a -da =gluu' -sü 'metrē -vuu mlia 'gōyaaga ö ga 'seisiē (39) kwe do -bha. -A me -nu 'wo yezü 'wo nu 'yigō bhōdhe -bha -dēüwo 'wo tō -vuu mlia 'gōyaaga ö ga 'sleaga (38). =ya kē 'dhō kō -a -vuu mlia do =ne 'ö =siō 'kpaan -kwe -bha. -A -wun 'gü, pē 'wo kwa 'paan bho -a 'ka 'ö tō kō 'kwa kwa -zo kē 'yi -wun 'piō -sē 'ka, kō =kun 'kwa dhoē- 'gü =siō' -'kpaan 'wawa, bhii yō =ne 'ö potaasü nu kwa dhē, yō =ne 'ö tō kwa nii.

'Wun 'ö -gban -potaasü -wun -bha.**-Dō 'taa- 'dhiō- mü -sü -gō 'yēng -sü**

'Taa- 'dhiō- mü -sü -yō =bheε' -na 'iin -a =suu' -=plēzē -yō ta -na zlöō -wo 'dho -na -a 'ka 'dhiō. =Mlenken 'se 'pian 'bhaa -ta, 'dhiō -sü 'se 'ka me -nu -wo -dō 'taa- 'dhiō- mü -sü -gō 'yēng, 'ö 'wo me -nu 'paan bho, 'wo 'wēü- -nu -glu -an 'ka -a -pō -an -dhē -sü 'ka =ne -wo wo -ta yō 'taa- 'dhiō- -ke -bha -wo -bhōpē 'kpaan -ke -nu kē. -A -wun 'gü, -an -gō 'pian bhē -a -ta, 'wun bhē -a 'bhle -dho sia-.

'Tōng 'kwa- 'ka =dεε, 'taa- 'dhiō- mü -sü -maakēme -nu -wa -pō, 'taa- 'dhiō- 'dhō waa -a mü -sü kō -yaan bōa 'kpongtaadhe 'plē 'gü bhē, -a -tao sia-. 'Wo- pō wo- -dhe 'se 'kpekpe -gō -wo dō 'taa- 'dhiō- -gō 'yēng, 'slē =plēzē =mē -sü 'ka kō 'wun bhē -yaan =gbaannu. 'Wun do bhē -a -wun 'gü, -Kōlokota =va 'wo- -dhe ONI, 'ö -kē 'kpongtaame 'kpekpe -dho 'koē- -sü -bha kōlokoē 'ka, -an -gōme do 'ö 'wun

-gban 'taa- 'dhiō- -wun waa 'wun yaa kē -sü -wun -bha 'wo yō -a -bha 'wo- -dhe Antōanō Malia Kōsūtaa bhē -ya -pō : me -nu 'wo 'taa- 'dhiō 'dhōziōme -nu 'ka 'wo bōa 'se 'saadhō 'gü bhē, -an 'kun -sü 'sēēdhe -yō kē kō -yō -pen 'kpongtaadhe 'saadhō -bha, kō me 'wo 'dhoē- -kpēn -a -bha -wa 'kun. 'Go mü, -wo -da 'se 'piō me 'paan bho -sü 'ka, 'iin -wo dō me -nu -gban -gō kō -waan pē gbε -ke 'gianzē

kē, -wo polisü -nu, =dhōngtrō -nu, 'iin -dō megbangōme 'saadhō, -wo -an 'paan bho 'iin 'zü -wo -an =faan' 'mē kō -wo me -nu gēē =yεε' -'taa- 'dhiō- -ke kē -sü -nu waa -a mü -sü -nu 'ka, bhii 'taa- 'dhiō- -yō me bun 'gü -siō, 'yō me -kē 'blōnzē. -Kwaa kē -zian =mēε' -kō kwa kē -pē -yō kē 'kpē dhō me -dhē.

bhō -sü =plëézë**Metii 'se ü -dhö gla -më yië =ε ?**

=Dhεε' 'kpō -wo =suu'- =nε, gōon- do 'wo- -dhε Zosεfu Ki Zεεbo 'ö 'wun zii -genbhome do 'ka, 'yö =klang' -gōmε 'ka =klang' 'kō 'kpii- -nu 'wo -an -dhε -na inivεεsite 'wo metii -sε 'gu zō bhē -a do 'gü, yō =nε 'ö- -kē. 'Yö- 'sëédhε -be 'nē 'bhaa -kē.

=Dhεε' 'kpō -wo 'ö =nε -yö -dhidhaazë, 'yö mε 'tetun =dhεε' 'ka. 'Kεε -yö 'wun 'ö 'yaa mε gbe =zuö'

-yaglu, metii -sε -bha -dhεkpaadhia -wun 'gü -a 'ka.

Metii -sε -bha -dhεkpaadhia -yö ya -kplawo 'ö dhoë 'dhiö, bhii -a 'klo -yö bhō -sü 'gü 'piigbeedhε 'ö go 'se gbe 'gü -a =kōa'. 'Ö sü -siökoëdhε -nu -ta -Zlankō -nu 'gü, 'ö yō -wo =plëézë -gōa gbe gbe -nu -bha 'kozë 'koë -sü -nu, -ya -de flëëgüdhe =mεε' -sü -nu, mε =kōon -kō yaa -nu, 'wëü -bha -wun -kē 'gbee- -sü

-nu, tapë -nu 'wo -kē -Kakao waa Kafe -nu, =yee'- -nu -an 'dhō -kē yaa -sü, -bhöpë -nu 'wo -kē -mlü 'dhö, 'klën 'dhö, 'kεε 'dhö, pë -nu 'wo bhë 'töüdhö -an -dhö -kwa -gō =sōnng' yaa 'ka -sü -nu, gōon- 'iin dhebō -an -vεizë -sü -nu =wa kwa -bha metii 'se -kē 'yenazë.

'Sëédhε -be =nε -a kē -gen 'ö tōō kō -yö metii -nu kwa -ya 'yaa, kō kwa -bha metii -sε =nε 'kwa 'dho kwa

'ko -dhë do 'kwa- -yuö kē kō -potaasü -yaa kē kwa -gō -a -ta.

-A -kē 'dhö -sü bhë -yö -dhoë kē 'ö kwa -dadhe -së -yö -kē -dhö 'kpongtaadhε -todhösü -bha, 'iin kō -ya -deflëëgü -sü waa 'se 'gla -sü -waan -a kē kō kwa =bhlë -yaa kē -dhö 'kponngtaa.

'Yee -wun

'kwi gōn do waa metii do 'wo -kpën -wo 'koë- Bōakεε -bhöpë -bhödhe =bhaa -dhεkpaayü do 'ka. Mε =plëézë -wo -kē -dhε bhë -a 'gü mü. -Bhöpë 'wo -kē -a -bhö =dhia bhë -tō -yö -kē -a 'too =bhaa. =Dhε 'wo -kē pë -bhö =dhia bhë, metii bhë -tō ga 'ö- yō bhë, =ya yō -a =fεen' -sü -bha, 'iin

'zü -a =wüü' -sü -bha 'ö 'sōn 'ka 'wlö 'wlödhö. =yaa- kē 'dhö 'ö- -bhö, 'ö- -bhö. 'Ö 'wun bhë 'yö mē 'kwi gōn 'ka 'yö- pō : « =Ya kē yi -zë yi -gō 'se 'gü gben- -nu =nε 'wo wü ga -bhö =nε -kō 'ü- -bhö -na -a 'ka bhë -a 'dhö. Metii bhë yaa 'wun 'waa gbe =blεε', 'ö to 'dhö.

=Dhε 'wo wo bo pë -bhö -sü 'ka, 'ö pë -kpame -nu -wo nu 'dhε 'wo- -dhε -na 'kwiwo 'gü saladö bhë, -a 'ka 'kwi gōn =dhia kō -yaa -a zio -bhöpë -ta. =Dhε -kē 'dhö 'ö 'kwi gōn -ya pō metii bhë -a -dhë : « -Bhō nu 'ko 'dhε -bhö ». -Ya 'wun -dō -bezë ya 'dhoë- pō 'dhö, kō metii =ya 'pε : « Yi -zë =ya kē yi -gō 'se 'gü, -bho -nu'wo

'dhε -bhö, 'bhlāa -nu'wo 'dhε -bhö, -tuë -nu'wo 'dhε -bhö, wü -nu 'wo 'dhε -bhö ». 'Yö- pō 'dhö ö =faan' 'plε 'ka. =Dhε 'ö- pō 'dhö 'wa -bu, mε -nu 'wo -kē mü -an 'plε =wa -pen 'yee 'ka.

'Se -yö do 'kεε -a 'gü -wun 'yaa do.

Kese Aliñfonsü

-Piën

-Kwa -mε -nu -wa -pō -piën 'gü =nε : « 'dhε 'ö -bho -ya -bhö 'ö- -bha 'nē -ya -bhö. » Pë 'yi- 'piö kō 'yi -a =blεε'- ka -dhë 'ö tōō 'ö =ya kē =nε 'kwiwo =ya kē ü =dhōobhaa pë 'ka yi 'saadhō

'ka, 'bha- pō ü -bha 'nē -dhë, -yö -kē 'pō ü 'yaa 'ka =nε 'kwiwo do bhë 'yö dho kē 'pō ü -bha 'nē =dhōobhaa 'ka 'pō.


=Ya kē 'dhö 'pō ü -bha 'se wo 'ü dhoë- sü

-yaa kē ü -bha 'wundōdhe -gban -a -ta 'ka bhë 'ü- zong' -na bhë. Ü -bha 'wundōdhe yaa 'dhö kē =va.

-A -wun 'gü, -ya -bha kō ü -dewo -dhö -yö ü kē 'ü- -zōn ü -bha 'nē dhë nε

mε -dewo bhë -yö -kē =nε mε 'kpōmε 'dhö, -a =daan' -sü bhë 'wun yaa 'yaa- 'gü. =Ya kē 'dhö ü -de -wo 'ka 'dhö kē ü -dhë ya.

Pë 'bin =plε 'wo =nε wo -bhō wo 'koë- 'kεε -a do =zaadhε 'slεaga -ya -bha -an =mεε'-



'Ka yën 'sëédhε =nε -a pō -sü -bha -ka ka -bha -zotadhε =bl εε'- yi -dhë. Yi 'yan -yö ka -bha 'sëédhε -nu -gō.